



SLUŽBENE NOVINE

KANTONA SARAJEVO

Godina XXVII - Broj 25

Četvrtak, 23. 6. 2022. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 26., 28. stav (1) i 31. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 54. stav (2) tačka 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), Vlada Kantona Sarajevo, na 82. sjednici održanoj 09.06.2022. godine, donijela je

UREDBU O OSNIVANJU UREDA ZA DIJASPORU

Član 1. (Predmet)

Ovom uredbom osniva se i utvrđuje djelokrug rada i nadležnosti Ureda Vlade Kantona Sarajevo za dijasporu (u daljnjem tekstu: Ured), kao stručne službe Vlade Kantona Sarajevo (u daljnjem tekstu: Vlada), uređuje rukovođenje Uredom, kao i druga pitanja od značaja za organizovanje i funkcionisanje Ureda.

Član 2. (Djelokrug rada i nadležnosti)

U cilju jačanja saradnje u oblasti obrazovanja, nauke, kulture, sporta i privrede, Ured u saradnji sa resornim ministarstvima, univerzitetima i drugim nadležnim organima i institucijama u Kantonu Sarajevo i jedinicama lokalne samouprave vrši stručne i administrativno-tehničke poslove koji se odnose na:

- a) povezivanje institucija, organizacija i pojedinaca iz oblasti obrazovanja, nauke, kulture i sporta iz Kantona Sarajevo sa institucijama, organizacijama i pojedincima iz dijaspore u cilju podsticanja njihove saradnje;
- b) povezivanje ljudskih, profesionalnih, naučnih, kulturnih i stručnih potencijala Kantona Sarajevo i dijaspore;
- c) kreiranje i podsticanje programa jačanja obrazovne, naučne, kulturne i sportske saradnje sa dijasporom;
- d) angažovanje na osmišljavanju i realizaciji projekata učešća i saradnje mladih, razmjene učenika i studenata, kao i naučnih i stručnih kadrova između Kantona

Sarajevo i države u kojoj dijaspora živi (u daljem tekstu: zemlja prijema);

- e) podsticanje upisa i studiranja dijaspore pod jednakim uslovima koji važe za studente iz Kantona Sarajevo, a u skladu sa zakonom kojim se uređuje visoko obrazovanje i statutima ustanova visokog obrazovanja;
- f) razvijanje mogućnosti, odnosno osnivanje fonda za stipendiranje učenika iz dijaspore;
- g) uspostava održive aktivnosti na redovnim posjetama edukacionog karaktera mladih iz dijaspore u Kanton Sarajevo, kroz organizaciju uzajamnih projekata, ljetnih škola i druženja mladih dijaspore i Kantona Sarajevo;
- h) informisanje dijaspore o mogućnostima i uslovima za zapošljavanje u Kantonu Sarajevo;
- i) podsticanje povezivanja privrednika i udruženja privrednika iz zemalja prijema sa privrednim subjektima u Kantonu Sarajevo;
- j) analiza strategije i politike privrednog razvoja Kantona Sarajevo i iniciranje uključivanja potencijala, potreba i interesa dijaspore u te strategije i politike;
- k) iniciranje osnivanja namjenskih finansijskih fondova ili fondacija u saradnji sa dijasporom;
- l) podržavanje rada inovatora i inovacija iz Kantona Sarajevo i dijaspore;
- m) podsticanje učešća dijaspore u promociji turističkog potencijala Kantona Sarajevo;
- n) aktivnosti na uspostavljanju i održavanju Međunarodne mreže dijaspore i socijalne interakcije, kroz uspostavljanje portala i platformi za saradnju;
- o) podsticanje i pojednostavljenje procesa povratka dijaspore u Bosnu i Hercegovinu;
- p) pružanje administrativne i tehničke pomoći, usluga i davanje informacija o različitim procedurama vezanim za administraciju u raznim segmentima života i pružanje informacija potrebnih za ostvarivanje prava dijaspore u Kantonu Sarajevo;
- r) prikupljanje, obrada, analiza i objavljivanje statističkih podataka u vezi utvrđivanja tačnih podataka o broju građana Bosne i Hercegovine u dijaspori, u posjedu identiteta i nivoa integracije i asimilacije;